

Wir faren vmb durch alle landt
Von Narbon jnn Schluraffen landt
Sar nach went wir gen Montflascun
Vnd jnn das landt gen Narragun
All port durch suchen wir / vnd gstad
Wir faren vmb mit grossen schad
Vnd künnet doch nit treffen wol
Den staden do man lenden sol
Vnser vmbfaren ist on end
Sann keyner weiß / wo er zu lend
Vnd hant doch keyn rüw tag / noch nacht
Vff wißheyt vnser keyner acht
Sar zu hant wir noch vil gespanen
Trabanten vil / vnd Curtisanen
Die vnserm hoff statts ziehen noch
Kumen jnns schiff zum letzten doch
Vnd faren mit vns vff gewynn
On sorg / vernunfft / wißheyt / vnd synn
Sünt wir für wor eyn sorglich fart
Sañ keyner sorgt / lügt / merckē vn wart
Vff Tablemarn / vnd den compass
Oder den vßlouff des stundglas
Noch mynder des gestyrnes zwang
Wo hyn bootes / vrsa gang
Arcturus oder Hyades
Des treffen wir Sympleyades
Das vns die felsen an das schiff
Zu beyden sytten gent eyn büß
Vnd knützschen das so gar zu trymmen
Das wenig vß dē schiffbruch schwymmē

